



KOMUNIKADO PA PRENSA

Fecha

11 yüli 2016

Kolaboradó di Maneho

Corinne Leysner

Email

corinne.leysner@gobiernu.cw

ROTONDE NA JAN NOORDUYNWEG TA KLA PROME DI TEMPU PREMIRA

Willemstad – Minister Suzy Camelia-Römer ta anunsiá ku orguyo ku e rotònde na Jan Noorduynweg a keda kla asta un tiki mas lihé ku a premirá. Ora a kuminsá ku e proyekto a pensa ku e trabounan lo a kaba te medio yüli. For di djabierne ku a pasa, tráfiko ta hasi uso kaba di e rotònde. E trabounan tabata na enkargo di e kontratista Curaçaoose Wegenbouw Maatschappij (CWM). Banda di e rotònde tambe a bini algun krusada elevá i separashon físiko pa hasi e tráfiko mas sigur.

E rotònde ta forma parti di ekspanshon di e area komersial na Jan Noorduynweg ku a realisá durante di 2015. E proyekto akí ta kai bou di Servisio pa Atministrashon i Maneho di Tereno Públiko (Domeinbeheer), den kolaborashon ku Obranen Públiko (OW) i ku Planifikashon Urbano (ROP). Ku e proyekto akí, Gobièrnu ta tuma su responsabilidadat den desaroyo di suficiente parsela komersial pa duna empuhe na empresarionan.

Domeinbeheer, na nòmber di Gobièrnu di Kòrsou, ta pidi komunidad di Kòrsou pa tene kuenta ku adaptashonnan di tráfiko i kambionan ku a tuma lugá riba Jan Noorduynweg.